

ac iuramentis firmatam per se et praefatos praelatos, barones, proceres, boyaros, nobiles et communitates eiusdem Magni Ducatus Lythwaniae suo ac illorum litteris sigillis et iuramentis in omnibus punctis, conditionibus, clausulis et articulis approbabit, confirmabit et ratificabit perpetuo observandam. Quam electionem praesensque decretum nostrum cum universis nobilibus ac terrarum et civitatum communitatibus nostro et eorum atque absentium nomine approbandum tenendum, laudandum, confirmandum et emologandum duximus approbamusque, tenemus, confirmamus, laudamus et emologamus tenore praesentium mediante. Itaque decretum huiusmodi in virtute Altissimi exequi cupientes de certa scientia quamque consilio ac omnibus modo, iure et stilo certos dominos praelatos et barones Regni Poloniae fratres nostros in litteris credentialium ad eundem serenissimum dominum nostrum dominum electum per nos datarum nominatos ad infrascripta gestores actores et nuntios deputavimus et deputamus, dantes eis mandatum generale et facultatem plenariam praesens decretum nostrum eidem felicissimo electo ac dominis domino Alexandro Dei gratia magno duci Lythwaniae etc. domino nostro generosissimo intimandum eiusque dominationem excellentissimam, utrum in electionem de se factam consentiret aut eam acceptaret ratamque haberent requirendi, aliaque omnia et singula cum eius dominatione illustrissima universisque praelatis, baronibus, militibus et communitatibus Magni Ducatus Lythwaniae agendi, faciendi, tractandi, consulendi, concludendi et firmandi ac de rato et grato nostro et regni totius nomine promittendi et ea, quae mandatum exigerent magis spirituale quam praesentibus est expressum. In quorum omnium fidem ac testimonium praemissorum sigilla nostra ac aliorum praelatorum, procerum et nobilium Regni Poloniae praesentibus sunt subappensa. Actum et datum Pyotrkouie, in conventionem generali, die dominica in profesto sancti Francisci, anno Domini millesimo quingentesimo primo [3 X 1501]. Praesentibus ibidem ac ad praemissa consentientibus rata habentibus et ea emologantibus suo et aliorum praesentium et absentium regnicolarum nominibus venerabilibus, generosis et nobilibus dominiis Nicolao Cryczky decano Cracoviensi et praeposito Posnaniensi, Johanne Conarsky Cracoviensi et sancti Michaelis praeposito, Johanne de Lassko cancellario Gneznensi, decano Wladislaviensi, praeposito Crusswiciensi, Alberto Gorsky Scolastico Wladislaviensi et cancellario Posnaniensi, Nicolao de Barthnyky custode Plocensi et praeposito Calissiensi ecclesiarum, Stanislaw Lasoczky de Brzezyny succamerario Posnaniensi, Nicolao Czykowsky gladifero Cracoviensi, Martino de Skothnyky iudice Sandomieriensi, Jaroslao de Lassko tribuno Siradiensi, Stanislaw de Curozwanky Vyelunensi, Johanne Zaramba de Kalynowa Siradiensi, Johanne et Stanislaw de Sprowa Oppocznensi, capitaneis, aliisque quampluribus praelatis, militibus, nobilibus terrigenis et indigenis Regni Poloniae.

Ego a. promitto et iuro, quod serenissimus dominus noster dominus Alexander, magnus dux Lythwaniae, omnia pacta et articulos per nos conclusa et conclusos inscriptaque et inscriptos firmiter observabit et iureiurando confirmabit et incolas illius domini ad observandum et iurandum similia adducet suasque super id ducales litteras perpetuas sub sigillo ducali Regno dabit. Sic me Deus adiuvet et haec Sancta Crux.

Pari modo promitto et iuro quia omnes articulos in praesenti unione inscriptos et per me ipsum meo et universorum praelatorum, baronum et nobilium ducatus Lythwaniae nomine conclusos observabo illosque et mei ac illorum successores observabunt perpetuo sigillisque inscriptionibus et iuramentis firmabunt et desuper dabo et dabunt Regno Poloniae litteras perpetuas meo et illorum sigillis roboratas. Sic me Deus adiuvet et haec Sancta Crux.

VII

SEJM KORONACYJNY KRAKOWSKI 1502 R.

Po tym sejmie, zakończonym w lutym 1502 r., wydane zostały w ciągu marca wici związane z groźbą wojny z Tatarami i Turcją:

Litterae restium per universum regnum, z 14 marca 1502 r.¹

¹ *Tekst ten zachował się w MK, t. 19, k. 66 v. Skopiowany został przez I. Dwornicką i skolacjonowany z udziałem R. Zawadzkiego z mikrofilmem AGAD, nr 632.*

LITTERAE RESTIUM PER UNIVERSUM REGNUM

Alexander Dei gratia rex Poloniae etc. Universis et singulis palatinis, castellanis, capitaneis, tenutariis, burgrabiis, nobilibus terrigenis, advocatis, scultetis ceterisque dignitariis et officialibus ac indigenis regni nostri etc., ad bellicam expeditionem de iure et consuetudine obligatis, sincere et fidelibus nostris dilectis, gratiam nostram. Magnifici, generosi, nobiles et circumscripti, sed sinceri et fideles nostri dilecti! Quamvis movere non intendimus non solum universas, verum etiam aliquas regni nostri terras ad expeditionem praesertim generalem, nollemus enim cuiuspiam vestrum et praesertim reipublicae occasionem dare inanium impensarum tamen quia diffidimus amicitiae confederatorum Thartarorum, prout de hoc avisamenta habuimus certa et pari modo dubium est, utrum imperator Turcorum treugas pacis, olim maiestati fraternae inscriptas, nobis eas tenere temera *[sic]* cupiat, itaque in omnem eventum decrevimus praesentes avisorias litteras in vim primarum restium dirigere, ut urgeret nos necessitas grandis etiam in ducatu Lithuaniae, terras moveremus universas regni nostri cui ducatu, non existentibus aere conductis aut conducendis armorum gentibus, saltem expeditione communi subveniendum erit. Quapropter cuilibet vestrum mandamus, ut tempestive ad expeditionem bellicam se praeparet, sicut de bonis suis debet, de armis, equis et aliis rebus habendis sibi successive provisurus progressurusque tandem cum aliis fidelibus nostris ad bellum, quorsum necessitas incumbet. Nos quoque aliis restium litteris locum et diem designabimus futuro congressui generalem. Et aliter non facturi sub periculo vitae et bonorum amissione. Volumus praeterea, ut unus ad alium sibi viciniorem praesentes litteras transmittat et ultimus eas loci capiteo repraesentet, sub poenis praefatis. Datum Cracoviae, feria secunda proxima post dominicam Judica anno Domini millesimo quingentesimo secundo. Regni nostri anno primo *[14 III 1502]*.

Relatio venerabilis Mathie de Drzevicza, Regni Poloniae vicecancellarii.

Costhensi^a, Sredensi, Pysdrensi, Pozn[aniensi], Wschovenski, Conynensi, Premisliensi, S[t]riensi, Callisiensi, Gniezn[ensi], Naklensi, Cracoviensi, Chelmski, Sandeczski, Siradiensi, Schadek^b, Wielun[ensi], Bieczski, Lanciensi, Brzezinski, Colensi, Lublinski, Brzesthski, Predeczski, Lukouiski, Ravenski, Schochaczowski, Gostinski, Lublinski *[sic]*, Ploczski, Zawkreński, Sandomirski, Sanoczski, Bidgosthski, Visnenski, Nove Ciuitatis, Dobrzinski, Radom[enski], Belzenski, Junivladislavski, Opoczno, Leopolski, Chanczinski, Sidaczowski, Pilznenski, Camenecski, Haliczski.

VIII

SEJM WALNY PIOTRKOWSKI 1503 R.

Po sejmie tym, w związku z trwającym zagrożeniem wojennym, wydane zostały następujące wici:

A. Litterae restium ad terras Cracoviensem et Sandomiriensem, ac districtus earundem ex conventionione Nouae Ciuitatis Corczin per dominos consiliarios regni pro festo sancti Bartolomei celebrata emissae, z 26 sierpnia 1503 r.¹

B. Restes ad terras Maioris Poloniae, Cracoviae scriptae, z 17 września 1503 r.²

^a Przy nazwie każdej ziemi dwie pionowe kreski, zapewne dwie ekspedycje ^b W rkps.: Schadek.

¹ Por. Akta Aleksandra, króla polskiego, wielkiego księcia litewskiego itd. (1501-1506), wyd. F. Papée, MMAH, t. XIX, Kraków 1927, poz. 192, s. 319, 320. Tekst ten zachował się w MK, t. 19, k. 111. Skopiowany został przez I. Dwornicką i skolajonowany z udziałem R. Zawadzkiego, z mikrofilmem AGAD, nr 632.

² Por. Akta Aleksandra, poz. 206, s. 347. Tekst ten zachował się w MK, t. 19, k. 112. Skopiowany i skolajonowany, jak i powyższy, z mikrofilmem AGAD, nr 632.